

Coptic Orthodox Patriarchate  
His Holiness Pope Tawadros II  
Pope of Alexandria and  
Patriarch of the See of St. Mark  
The Papal Center



بطريكية الأقباط الأرثوذكس  
قداسة البابا الأنبا تواضروس الثاني  
بابا الأسكندرية  
وبطيريك الكرازة المرقسية  
المقر البابوي

222 Ramses St., Abbaseya, Cairo, Egypt

Πατριάρχος

222 شارع رمسيس ، العباسية ، القاهرة ، مصر

Tel: 024822580

Fax: 0235365880

email: office@popetawadros.org

تليفون: 024822580 فاكس: 0235365880

*Sesotho - Resurrection 2025*

**Ka lebitso la Ntate, le la Mora, le la Moya o Halalelanh, Modimo o le mong, Amen.**

**Ekhristos Anesti, Elithous Anesti. Kreste o tsohile, ka nnete O tsohile**

Ke le thoholetsa bohle Mocketeng o kganyang wa Tsoho. Mokete oo re qetang ho ila ka wona o halalelang o nkile matsatsi a mashome a mahlano a metso e mehlano. Re keteka Tsoho e kganyang matsatsing a mashome a mahlano a tlang, ao re a bitsang Matsatsi a Mashome a Mahlano a Halalelang.

Mocketeng o kganyang wa Tsoho, re keteka mosebetsi wa Modimo le rona, moo A re fileng mahlohonolo a mararo ka Tsoho ya Hae. O re neile lerato, mohau, le kopano. Sena ke seo re dulang re se hlalosa polelwane e qetellang ya dithapelo tsohle. Re re lerato la Molimo Ntate, mohau wa Mora ya tswetsweng a Nnotši, le kopano, le mpho ya Moya o Halalelang. Mme tlhohonolofatso ena e hararo re e fumane Tsohong e kganyang, kapa ka baka la Tsoho e kganyang.

Pele, ke lerato leo Modimo a re ratileng ka lona, hoo a ileng a tla lefatsheng ka lebaka la lerato ho rona. Re ya mo rata hobane o re ratile pele (1 Johanne 4:19). Hona e ne e le ho tswalwa ho kganyang. Ho tswalwa ka mokgwa o kganyang e ne e le tsela eo Modimo a ileng a feta ho rona lefatsheng. Lerato la Hae e ne e se la kgopolo-tabo, ka molomo, kapa le hole, empa e ne e le lerato la nnete. O tlile mme a ba motho, mme Lentswe la fetoha nama mme la aha hara rona, mme ra bona kganya ya Hae (Johanne 1:14). Ke kamoo Modimo a ratileng lefatsheng kateng. Ha ho lerato le haufi kapa le matla ho feta hore moratuwa a atamele ho moratuwa. Motho e mong le e mong hara rona o ile a ratwa ke Modimo ya lerato.

Yaba ho hlaha mohau o moholo: mohau wa tsoho, mohau wa tshwarelo, mohau wa topollo, mohau wa ntjhafatso. Re ile ra fumana mehauhelo ena ka mosebetsi wa Krete. Ho tswalwa ha Hae lefatsheng, ebe lefu la Hae le kganyang sefapanong molemong wa rona. Ebe tsoho ya Hae bakeng sa pholoso ya rona. Mohau ona o moholo o fa motho mohau wa tsoho. Jwalokaha re tseba, tsoho e akarelletsa "ketso ya ho tsoha," ketso e matla. Motho ya dutseng jwale o ile a ema mme a tswela pele ho ema. Ena ke pontsho ya

ho itokisetsa, le pontsho ya hore motho o phela hantle ka ho felletseng: ho phahama. Ka hona, re qala sefela sa thoriso sa letsatsi le letsatsi re re: Tsohang, bana ba leseli, re roriseng Jehova wa makgotla. Bana ba lesedi ke bana ba tsoho. Mme re qala ka leetsi, "Ema." Ena ke tsoho e kganyang eo re e thabelang.

Hape, ke kopano ya Moya o Halalelang, o re kopanyang bohle Kerekeng e le nngwe, tumelong e le nngwe, mosebetsing o le mong, ka tshepo e le nngwe, le ho qala ka lerato le le leng. Kaofela re fetoha ditho tsa Mmele wa Krete. Mme Krete o fetoha hlooho ya Mmele ona. Mosebetsi wa Moya o Halalelang ka ho rona ke ho re kopanya kaofela ka Disakaramente tse Halalelang, ka dithapelo, ka ho bala, le ditlwaelo tsohle tsa moya.

Hona ke lerato, hona ke mohau, hape hona ke kopano. Ka hona, thapelong e nngwe le e nngwe, moprista o phethela thapelo ka polelwana ena e qetellang. O re hopotsa mesebetsi ya Modimo le rona ya lerato, mohau, le kopano. Lena ke lenaneo la rona la bophelo dipalong tsa kereke. Sena se fumaneha Diefankgeding tsa dilallo ho pholletsa le selemo sa Coptic. Dikgweding tsa Tut le Baba, re ithuta lerato la Modimo. Dikgweding tse supileng tse latelang, ho tswa ho Hathure, re ithuta mohau wa Mora ya tswetsweng a Nnotši, ya sebeditseng le rona. Jwale, dikgweding tse setseng tsa selemo sa Coptic, re ithuta kopano, talenta, le mpho ya Moya o Halalelang.

Tsoho ke matla a maholo. E nngwe ya dipale tse monate tseo ka tshwantshetso di bolelang matla a Tsoho ke: Bana ba bang ba ile ba ya mme ba botsa mollo, "Na o ntho e matla ka ho fetisisa lefatsheng?" Wa ba bolella, "Tjhe, metsi a matla ho mpheta." Kahoo ba ya mme ba botsa metsi, "Na o ntho e matla ka ho fetisisa lefatsheng?" Are re ho bona, "Tjhe, letsatsi le matla ho mpheta. Le ya mphedisa." Ba ya letsatsing, "Na o ntho e matla ka pele ho lefatsheng?" La re ho bona, "Tjhe, maru a nkupeditse, mme a nkapesa." Ka baka leo, ba ya lerung, ba le botsa, ba re: "Na ke wena o matla ka ho fetisisa lefatsheng na?" La re, "Tjhe, moya o ntsamaisa ho tloha sebakeng se seng ho ya ho se seng." Kahoo ba ile ba ya moyeng mme ba o botsa, "Na o ntho e matla ka ho fetisisa lefatsheng?" La re ho bona, "Tjhe, thaba e mpheta ka matla," hobane ha ke le tseleng ke kopana le thaba e fetolang tsela ya ka, mme ha ke kgone ho e tshela. Kahoo ba ya thabeng mme ba e botsa, "Na o ntho e matla ka ho fetisisa lefatsheng?" Ya re ho bona, "Tjhe, motho o mpheta ka matla hobane a ka tjhwatla thaba, a ka nthoba." Yaba ba ya ho motho, ba mmotsa, ba re: "Na ke wena ya matla ho feta bohle lefatsheng?" A re ho bona, "Tjhe, lefu le matla ho mpheta. Ha ke kgone ho hlola lefu." Ba re: "A re botseng lefu." "Na ke wena ntho e matla ka ho fetisisa?" La ba bolella, "Tjhe, Krete o matla hoba ka lefu O hataketse lefu. Ka lefu la Krete sefapanong O hataketse lefu. Jwalo ka ha Moapostola Pauluse a re ruta: Oho lefu, tsenene ya hao e kae? Oho lebitla, tlhola ya hao e kae?" (1 Bakorinthe 15:55) Krete o shwele sefapanong mme a tsoha bafung ho hlola lefu. Ka tsela ena, re na le bophelo bo sa feleng.

Re re, "Kreste o tsohile bafung." Ka lefu, O hataketse lefu, hape ba mabitleng o ba file bophelo bo sa feleng.

Ke le thoholetsa bohle Mocketeng o kganyang wa Tsoho. Ke thoholetsa Bo-Metropolitan bohle, Babishopo, Baprista, Di-monko, le baholo. Ke thoholetsa Badiakone le bahudi. Ke thoholetsa bahlanka, le malapa ohle a Coptic a ketekang Mokete o kganyang wa Tsoho. Ke thoholetsa bana le batjha bohle kerekeng e nngwe le e nngwe, tshebeletsong e nngwe le e nngwe, dikgutlong tsohle tsa lefatshe. E nngwe ya diketsahalo tsa mahlohonolo tsa selemo sena ke hore bohle re keteka Mokete o kganyang wa Tsoho ha mmoho. Bakreste bohle lefatsheng ka bophara ba keteka Mokete o kganyang wa Tsoho ka letsatsi le le leng. Sena ke lehlohonolo, hobane selemong sena re boetse re keteka lekgolo la leshome le metso e supileng ho tloha Lekgotleng la Pele la Dikopanelo tsa dikereke la Nisiya. Ke Lekgotla le ileng la theha Tumelo ya Bapostola: "Ka nnete, re dumela ho Molimo a le mong." Ke thoholetsa dikereke tsohle lefatsheng ka bophara. Ke thoholetsa bohle ba sebetsang le ho sebeletsa. Mme ke le fetisetsa lerato la Mme Kereke ya Egepeto. Ho dikereke tsohle tsa rona Amerika Leboya, Amerika Borwa le Europa. Afrika, Sebakeng sa Jerusalema, Asia, le Australia. Ke thoholetsa bohle. Ke le lakaletsa mokete o lehlohonolo le tsoho le Kreste. Le thabo e tshwarellang bophelong bohle ba hao. Hape ha re seke ra lebala lerato, mohau, le kopano. Ho Modimo wa rona e be kganya yohle le tlhompho, jwale le ka ho sa feleng. Amen.

*Ramados II*